

PROTOCOL DA LA RADUNANZA DA RENDAQUINT DA MARCURDI, 1. MAI 2024, AD URAS

20:00 IN CHASA PRAVENDA DA SCUOL

TRACTANDAS:

1. Salüd da la presidenta
2. Tscherna da dombravusch
3. Protocol da la radunanza da budget
4. Rendaquint, Adrian Barbüda
5. Rapport da las revisuras da quint
6. Sanaziuns chasa pravenda, Dumeng Spiller
7. Acustica baselgia, Dumeng Spiller
8. Sortida consistori
9. Nouv commember consistori
10. La ravarenda ha il pled
11. Orientaziuns e varia

Preschaints: 13 commembers, suprastanza, Adrian Barbüda, la ravarenda Dagmar Bertram

S-chüsats: Uorschla Pult

Andrea Nogler e Claudio Gisep

Marianna Sempert

Peder ed Ursula Rauch

Iwan Damerow

#### 1. SALÜD DA LA PRESIDENTA

In nom dal consistori salüda Annina a tuot ils preschaints, in spezial ad Adrian Barbüda sco eir a las revisuras da quint, Tina Bott ed Erica Bischoff.

#### 2. TSCHERNA D`ÜN DOMBRAVUSCHS

Erica es pronta da far dombravusch, la radunanza es perincletta culla proposta dad Annina.

Annina fa la dumonda a la radunanza, da tour aint ün tractandum inplü per tour sü ün credit da 100`000.-fr pro la Banca Raiffeisen, pe`ls cuosts ( in prüma lingia) da la sanaziun energetica in chasa pravenda.

Quista dumonda vain acceptada unanimamaing.

#### 3. PROTOCOL DA LA RADUNANZA DA BUDGET

Causa cha our da la radunanza nu daja dumondas o remarchas a regard il protocol da budget, vain quel fat bun unanimamaing

#### 4. RENDAQUINT

Adrian Barbüda salüda a tuot ils preschaints e da spiegaziuns da singulas posiziuns aint il rendaquint. Causa cha no vain pajà gio 100`000.-francs da l`ipoteca pro la banca Chantunala

resultan 30`000.-francs plü pac in chascha. Da tuot las otras posiziuns in chascha nu daja gronds müdamaints o differenzas cul on avant.

#### 5. RAPPORT DA LAS REVISURAS DA QUINT

Tina Bott prelegia l`examinaziun da las revisuras da quint. Tuot il cudesch chascha es manà correct ed in fich bun uorden.

Il rendaquint vain- as basond süllas examinaziuns da Tina Bott ed Erica Bischoff- fat bun ed acceptà unanimamaing. Cun ün applaus vain ingrazchà ad Adrian per sia lavur.

#### 6. SANAZIUNS CHASA PRAVENDA

Dumeng Spiller declera las cifras da las offertas per lavurs necessarias per isolar il palantschin e renovar/ müdar fanestras. Da Cuoira survgnissan no 10% dals cuosts effectivs, vuol dir ruduond 12`000.-francs. Adrian Barbüda ha scleri e survgni l`acconsentimaint in chosa, cha pro la Banca Raiffeisen pudessan no tour sü ün credit da 100`000.- francs.

Annina fa la dumonda a la radunanza, scha no eschan pronts da tour sü il credit e far las sanaziuns necessarias. Quista proposta vain acceptada e fatta bun unanimamaing.

#### 7. ACUSTICA IN BASELGIA

Il spezialist per acustica, Sar Fuchs, ha examinà ils apparats in baselgia. Tschertüns sun in ün bun stadi, oters in ün fich nosch, sco per exaimpel las boxas ed ils amplifichadurs. Per verer che chi fa propcha dabsögn da gnir rimplazzà vegnan fats daman, als 2 mai, a las 11:00 h in baselgia differents tests. Sar Fuchs manzuna cuosts da 40`000.- fin 50`000.- francs per pudair realisar üna buna acustica in nossa baselgia.

#### 8. SORTIDA CONSISTORI

Agatha Mengiardi sorta sco commembra dal consistori. Ella s`ha ingaschada ruduond desch ons per la collavuraziun religiun e scoula, per chant dal Cor ad Hoc, musica in baselgia e`l pitturar övs culs scolars per la predgia da Pasqua. Annina ingrazcha ad Agatha cun ün regal in nom dal consistori.

#### 9. NOUV COMMEMBER I`L CONSISTORI

Allegraivel esa da pudair communicar, cha`l consistori survain fingià ün nouv collavuratur/ commember. Mario Furrer vain preschantà e bivgnaintà i`l consistori.

#### 10. LA RAVARENDA DAGMAR BERTRAM HA IL PLED

Nossa ravarenda Dagmar raquinta dad activitads ingio chi`d es gnü lavurà landervia l`ultim temp sco eir da tendenzas ch`ella ha observà dūrant l`on scuors, sco per exaimpel be 1 nozza illa baselgia da Scuol, pero 3 nozzas in S-charl. Dal 2024 vaina gnü unic 2 funarals illa baselgia da Scuol.

Otras activitads dals ultims mais sun statts : la glüm da la pasch e`l viadi da confirmands a Paris. Pe`l mumaint vegnan elavurats ed approfuondits 3 differents progets: Blue community, il buol dals pelegriuns in nossa baselgia e collavuraziun plü stretta culla Senectute ( cun Sar Lässer, respunsabel süll`Engiadin`Ota). In quist`ocasiun as lessa far pro`l marchà aint in S-charl üna maisa insembel culla Senectute.

## 11. ORIENTAZIUN E VARIA

Annina infuorma che lezchas ed incunbensas cha`l consistori ha dad accumulir davart il chantun.

I vain oura ün nouv cudeschin da battaisem chi`s po retrar per 20.-francs.

Ella infuorma eir sur da müdamaints ed adattamaints i`ls cumüns vaschins e la Val Müstair, pero eir sur dad actualitads e novas sfidas per no a Scuol ed in nossa regiun.

Our dal ravuogl da la radunanza piglian singuls il pled: Üna gronda dumonda ed interess da la glied es, che chi`s pudess far per intimar darcheu daplü glied da gnir in baselgia, che ideas o adattamaints füssan buns da far a regard sunteri, la valur sco eir il sen da la baselgia.

Nossa presidenta Annina serra la radunanza a las 21:15h ed invida a tuots preschaints amiaivelmaing ad üna boccadina cun bavrondas.

Pe`l protocol Agatha Mengiardi